

山
壘
集
一
冊



欽定明史列傳

善本

總裁官總理事務 經筵講官少保兼太子太師
保保和殿大學士兼管吏部戶部尚書事加六
級張廷玉等奉

敕修

鄭岳字汝華莆田人弘治六年進士授戶部主
事改刑部主事董天錫偕錦衣千戶張福決囚
福坐天錫上岳言其非體且言糾劾非鎮監職
而董讓行之太常本禮部屬而崔志端專之內

金定明史卷一百一十五

外效尤益無忌憚忤旨繫獄尚書周經侍郎許
進等救不聽贖杖還職尋進員外郎許進督師
大同貴近惡其剛方議代之罷總兵官趙杲謀
起用京軍屢出無功岳言進不可代杲不可用
京軍不可出朝論韙之遷湖廣僉事歸宗藩侵
地於民施州夷民相讐殺者有司以叛告岳禽
治其魁餘悉縱遣荆岳饑勸富民出粟弛河泊
禁屬縣輸糧遠衛率二石致一石岳以其直給
衛而留粟備振民乃獲濟正德初擢廣西副使

土官岑猛當徙福建據田州不肯徙岳許爲奏
改近地猛乃請自效尋改廣東遷江西按察使
就遷左布政使宸濠奪民田億萬計民立砦自
保宸濠欲兵之岳持不可會提學副使李夢陽
與巡按御史江萬實相訐岳承檄按之夢陽執
岳親信吏言岳子泓受賕欲囚以脅岳宸濠因
助夢陽奏其事囚掠泓巡撫任漢顧慮不能決
帝遣大理卿燕忠會給事黎奭按問忠等奏勘
岳子私有迹而夢陽挾制撫按俱宜斥岳遂奪

官爲民宸濠敗中外交荐起四川布政使以憂
不赴世宗初擢右副都御史巡撫江西甫兩月
召爲大理卿嘉靖元年冬上言內臣有犯宜聽
部院問理毋從中決不能從帝數不豫岳請遵
聖祖寡欲勤治之訓宮寢有制進御以時而退
朝即御文華裁決章奏日暮還宮以養壽命之
源報聞出按甘肅亂卒事總兵官李隆等皆伏
罪還朝以災異陳刑獄失平八事尋遷兵部右
侍郎時大禮未定岳言若以兩考爲嫌第稱孝

宗廟號毋稱伯考以稍存正統大學士石琚請
從之帝切責琚奪岳俸兩月轉左侍郎請罷山
海關稅弗許中官崔文欲用其兄子爲副將岳
持不可寧夏總兵官种勛行賄京師御史聶豹
以風聞論岳岳自白因乞休歸十五年而卒
贊曰鄭岳等居官歷著風操箴主闕抑近倖本
末皆有可觀斤斤奉職所至以治辨聞殆列卿
之良歟

十代孫象賢謹錄刊

山齋鄭公文集序

吾鄉先輩多奇節而文辭翰
墨亦皆足以蜚聲一時以故
海內翕然有鄒魯之稱若山
齋鄭公者其尤較著者也公
筮仕刑曹即以名節自砥樹

疏斥權閹下理天下高之而
其大者總江右藩臬深以寧
庶人爲憂顯沮陰裁庶幾於
曲突徙薪之策使公得竟其
志豫折奸萌寧復有溴安事
耶惜其蒙難解組不五載而

逆濠之亂作盖公之先見寔
與孫許二公爭烈云

肅皇帝嗣服起公于家屢擢中
丞廷尉少司馬駸駸乎槐鼎
矣而公乃翻然勇退結洛社
于壺蘭之間以老居恒嗜學

觚槩不去手登高臨深感時
懷古輒於詩發之性泊榮利
慕閒適故其為詩邕容夷曠
沖然有正始之致公自許出
入于唐然而高者逼晉魏矣
其文簡重類退之紆徐雋永

類永叔子固清廟朱絃一倡
三歎惟深於音者能賞之世
之論公文者乃曰弗求為工
亦里耳之識爾何足以知公
公奏䟽無慮數十章厄于兵
燹十不存一曩余備員史局

山齋集
抽金匱石室之藏猶稍稍見
之如議



廟號爭

詔獄皆侃侃逆耳至其處大同
之叛卒陳兩鎮之機宜揣敵
情而定國計儼之陸敬輿殆

無愧焉公豈直藝士之嚆矢
已哉公之曾孫文蔚篤行稱
詩能紹家學撫公遺文得若
千卷刻之以傳文蔚將溯彭
蠡登匡廬求公宦游之遺跡
嗟乎召棠繫思羊碑隕淚矧

讀公之文而見其子孫者哉
然則文蔚之行益壯矣

萬曆癸巳禊日後學陳經邦
頓首書



山齋鄭公文集小序

山齋鄭公以文章顯于弘正嘉靖間
灝灝乎東南元氣郁人士凡山斗宗
之往島寇乘城家藏諸稿悉遭灰燼
乃公之孫曾文蔚氏旦夕痛心矢志
搜羅凡得詩文若干首彙為二十四
卷則以示小子翔曰傷哉我王太父

司馬公遺稿僅有此耳旣經兵燹亦
混魚魯炫求之遠近三十年来始稍
稍成集即崑岡之炎未收全璧而罔
象之索奚啻玄珠誠懼其散佚無以
揚祖烈也竭力屬梓藉先靈卒事辱
足下知最深願一言紀之嗟夫公勲
業在旂常聲名滿宇內當其釋褐郎

署首䟽權閹比保釐西江預折宸濠
之逆禍且叵測屹然不少撓最後雖
洊歷司馬復以議禮觸時忌歸結洛
社于木蘭之濱顧今沒若干年墟墓
翳然未蒙卹典此其故蓋難言之若
其文之似韓歐也詩之逼開元大曆
而浸淫於晉魏之間也奏䟽之忠懇